

مطبعه و محل اداره :

جنرال اوغلنده امنيت
صندوقى جوارنده
شكول يقوشنده
۲۲ نوسو

مشتاقنامه صراط مستقيم

مسلك زمه موافق آثار
جديه مع الممنونه
قبول اول نور

درج ايدله ين آثار اعاده اولتاز

دبير ، فلسفه ، علوم ، حقوق ، ادبيات تاريخ ، سياسيات و بالخاصه احوال و شئون اسلاميه و بحث ايدرو هفته ده بر نشر اول نور .

آبونه بدلى

صاحب و مؤسلى :

در سعادتده نسخه سى ۵۰ ياره در

ابوالعلا زين العابدين - ح . اشرف اديب

تاريخ تأسيسى

قبرله دن مقوا بورو ايله كوندريلىر سه سنوى

۲۰ غروش فضله آلنير

۱۰ تموز ۳۲۴

سنه لكى	التى آيلى	غروش
ممالك عثمانيه ايچون	۶۵	۳۵
روسيه	۶۵	۳۰۵
سائر ممالك اجنبيه	۱۷	۹

يدنجى جلد

۱ ذى الحجة الشريفه ۱۳۲۹ پنجشنبه ۱۰ تشرين ثانى ۱۳۲۷

عدد : ۱۶۸

عثمانی جمعیت ، اوچنجیسی ده مکتوبیزک نه پایتند بولونان جمعیت آدره سنه ارسال ایدلسون .

آرتق بوراده بزم یاپه جغمز بر شی قالیور که اوده شو تصورک کال موفقیته اجرا اولنه بیلمسی ایچون الکزدن کلیدی قدر معاونته قصور ایتمکزی رجادر . یولده کی دینچی به بش اون پاره آثار کی بو وظیفه کزده قاجه یکنز . ویریکز ! چونکه بو ویریلن پاره لر سزک حیاتیکنزی ، حیاتدن دها مقدس اولان ناموسکنزی وهیسندن بویوک اولان اسلامی قورناره جق ، چونکه بودقیقده هپسی تهله کده در . اساساً ناموسسز حیات یشانغه دکر . ایشته بز سزه بو فلاکتلی بو تهله کله کی کوستره رک وظیفه کنزی درخاطر ایتمیرمکن ماعدا بر شی یایما یورز .

اجنبی دولتلرک النده بو کون بر جوق اسلام ممالککلی واردر . اسلامله اورالرده حرمت و رعایت ایدلیکنی ایشیدییورز . فقط امین اولکنز که اسلاملرک حائز اولدقلری اعتبار اونلرک عننده اسلام اولدقلری ایچون دکل ، لکن دیگر دین قرده شلرینک دنیا به حاکم دولتر آره سنده آلآن موجود بولوندی ایچوندر .

اگر اسلام حکومتلی محو اولورسه بزمده ، بر زمان بویوک فقط بو کون دوشن ملنلر صردسنه سقوط ایده جکمز پک طبعیدر .

ایتالیانک وحشیانه تجاوزلرینه ترکیا طرفدن مقابله ایدله ماسی ترکیانک بردونامایه عدم مالکیتدن ایلری کلیدی هرکسجه معلومدر . بر آلمان غزته سی : « عثمانلیرک النده آلتی (دره دنوت) بولونسه ایدی . حربک صفحاتی بوسبوتون باشقه دورلو اولوردی . دیمه سنده نه قدر بر حقیقت کیزلیدر .

آرتق یتر ! بو عاجزلک دها دوام ایتمه سین . بو کون ایتالیا تجاوز ایدیور . بو کون موفق اولماسه بیله بز بویه قالدیغمز حالده یارین بر دیگرینک تجاوز ایده جکی بی اشتباهدر . طنینک دیدیکی کی : « اوروپا دولتر نجبه معاهدات حین حاجترنده بیرتیه بیلمک اوزره ایجاد ایدلمش آلات کذب و حیلدر . »

عثمانلیر حکومتلری قوتلندیرمکه چالیشیورلر . بر انکلیز غزته سنک استانبول مخبری شویله معلومات ویریور : ال بیوک وطنپرورلک ترک قادیلری طرفدن ابراز ایدیور . دونمنایه معاونت ایچون بر جوغی مجوهراتی و ذیقیمت اشیا لری فدا ایدیورلر . نفوذ صاحبی ترک محرره لرندن بری همشیره لرینه خطاباً یازدیغی آجیق بر مکتوبده درین بر حسن وطنپرورانه ایله دیورکه : « ارککلریمز وطنی مدافعه ایچون اوزاقلره کیدیور ، آشله آتیلیورلر . بزنه دن بوراده طنی محافظیه غیرت ایتمه لم ؟ مقدس وطنک دشمن آیاقلریه چیکننیدیکنی کورمکن ایه دشمن قورشونلریه اولمک بزم ایچون دها اولادر . » بو حسن ترکیانک هر کوشه سنده عینی تأثیری اجرا ایدیور .

ای اسلامیت ! بو کونکی تهلمکه یالکنز عثمانلیره ، یالکنز بر اسلام حصه منردن حکومیکلر عصرلردن بیری پایدار اولان اسلامیه عأددر .

عثمانلیرک حیاتی ، اسلامیتک حیاتی در واونک انقراضی ، اسلامیتک انقراضی وسقوطی دیمکدر .

ایسترمیسکنز که : اولادلریکنز اولدورولسون ، عائله لریکنز ، مقدس طانیدیگنر هر شیلر اجنبیلرک آیاقلری آلتده چیکنه نسون ، مملکتکنز خراب اولسون و اسلامیت ابدیاً سونسون و صورکه هر شینک اوزرنده ، مقدس طانیلان هر بر محاکم اوستنده بر اجنبی بایراغک قانلی صاحبقلری موج ایتسون ؟ خیر ! هر زمان خیر ! البت عثمانلیر ایلریله به جک والبت او واسطه ایله اسلامیت ده ایلریله به جکدر . چونکه روح اسلام بولره قارشى ، همیزی تهدید ایدن بو تهله کله ، قارشى البت لاقید قاله ماز و قالمایه جقدر . ایشته او قناعت وجدانیه بزه بو سطرلری یازدی .

ویریکز ! هر زمان ویریکز ، ویریکز که اسلامیت الی الابد پایدار قالسون !

[جمعیت مرتبی] عبداللطیف سعید (حیدر آباد ده کن - هندستان) ، خلیل عالی (درسعات) ، حسن عبادی (قندیه) کریت ، مصطفی ماهر (الاسکندریه) ، حسین نصرت (بالقاهرة) ، میرزا ضمیر بیک (کابل افغانستان)

University Union
Edinburgh .
Scotland

حمیت دینه و غیرت اسلامییه

بی

کوستره مک کوره بو کوندر

اکین اتحاد و تعاون قلوبی درسعات مرکزینک اکتیلرله و بتون وطنداشلره خطابیه سی

بسم الله الرحمن الرحيم

ای دین قارده شلر !

« سنوی یوز بیک غروشی متجاوز اولان طریق بدلاتی نصفنک بش سنه مدته بهر سنه دونمنازه حمیه اعانه ایدلسی حقنده » آتشین بر حای حمیتله ، حمیت دینه و قرآنیه ایله یازدیگنر فی ۷ تشرین اول سنه ۲۳۷ تاریخ و ۱۲۵۱ « نومرولو تلغرافنامه کنزی آلدق درین بر حسن مسرتنه کوز یاشلری دوک رک او قودق . باشده مقام اقدس خلافت محمدیه اولمق اوزره بوتون جهان اسلامک سلامتنه ، سعادتنه دعا لری ایتدک .

ای دین قارده شلر !

بز ، سوکیل پیامبریمز سلطان کشور لولاک علیه الصلاة والسلام افندیغمز حصر تلرینک اتی اولادی بز ، بز مفخر کائنات علیه افضل الصلوات و اکمل التحیات و اجل التسلیات افندمن حضر تلرینی پدریمزدن ، اولادیمزدن ، بوتون کائناتدن حتی کندی جانمزدن زیاده سه ورواغوو هایون جناب رسالت پناه اعظمیلرینه کوله کوله فدای جانی جهانلردن

بویوک، عرش اعلادین بویوکسک بر شرف بی بها بیلیریز و اولیه درده، لسان اقدس جناب رسول کبریا دین شرف افزای سنوح و صدور اولان «سزدن هیچ بر یکز ایمانک ذوق کالی نادامن، رتبه علیای شهودینه واصل اوله مار، تاکه بن اکا پدرندن، اولادندن و بتون جهان انسانیتدن سوکیلی اولهیم. بخاری - کتاب الایمان» حدیث شریفی پیش نظر امعانه آلهلم. بو اولیه بر نفعه وحی الهی، اولیه بر دستور ارشاد جناب رسالت پناهیدر، که حکمنه اطاعت، دارینده موجب سلامت و سعادت اولور. بز: مؤمنلر اگر ولی نعمت هدایت علیه الصلوات و السلام اقدمز حضرتلرینی پدریزدن اولادیمردن، بتون کائناتدن زیاده سه ورواوغور هاونلرینه کوله کوله فدای جانک بویوک، بک بویوک بر شرف اولدیغی بحق تقدیر ایدرسهک ایشه او دقیقه ده یاشامغه قرار ویرمش اولوریز.

کلمه اللهک عظمت شانی، رسالت کبرای محمدیهک علویت عنوانی محافظه امرنده بر جان، بر روح، بر فکر، بر امل، بر وجود، بر بنیان مرصوص اتحاد اولان اوتوز ملیون مؤمن و موحد هانکی دشمن یان کوزله باقه بیلیر؟ هانکی خصم میدان اوقویه بیلیر؟ ثولومی کوزینه آلمش. . . خایر. . . ثولومی استخفاف و استحقار ایتیش بر ملتک - که اوده آنحق ملت اسلامییه اوله بیلیر - میدان فداکاریده قارشیدنه چیقاجق کیم تصور اولونه بیلیر؟

کورولمیزی: بر انسان ثولومی کوزینه آلوبده میدان جیهنجه بتون مملکت خاقنی حیرنده بر اقیور.

یاشامق ایچون اولمکی کوزوکه آلمی. ایشه بو، بز، مؤمنلرک بر دستور دینی و قرآنسیدر. الله بزه بو احتیاسات علویه دینه ایله متحسس، بو نصرت قدسیه اسلامییه ایله مفظور اولور اعتباریله امر و فرمان بیوریور: حبل متین قرآنه درتال ایله اعتصام: ابدی اتحاد. رسول ذیشانک «علیه الصلوات و السلام» ائینه اخلاقاً، افمالاً اتباع و اقتدا. شوکت اسلامییهک کسرنی حیات طیبیه دینهک ضیفی موجب، خلافتدن، تفرقه لردن، شقاق و نفاقدن بغایت توفی و اجتناب.

مؤمنلر جسد کیدر. جسدک اعضاسندن هر هانکی بزینه بر الم ایریشده آغریغه، صیرلامغه بانلاسه بتون اعضای جسد در حال او المی حس ایدر. او آغری بی دویار.

«ایشته مؤمنلرده یکدیگرینه مودت و محبتده، سرحمت و عاطفته. بویله در، برینک ویا بر قسمک باشنه بر فلاکت کانهجه قسم دیکری اشک تأثر دوکمرک در حال فلاکت زده لرک امدادینه شتابان اولورلر. بخاری کتاب الادب»

«مؤمنلر او انوار شفقت و مرحمت الهیه مدن مخلوق خاص قوللر. مار، که بر قسمی دوچار بی و ظلم اولونجه قسم دیکری در حال انلرک یاردیمارینه قوشارلر. سوره جلیله شوری»

ای دین قارده شلر! اللهمزک ازلی بر خطابی اولان حضرت قرآن ابدی بر هدی لایمقین در. بز بو مصباح منیر هدایتی یدیمین تقدیس و احترامزه

آلیده صراط مستقیم حقه دوزولورسهک شبهه سزدر، که کعبه آملارزه آمل سلامت و سعادت مزه واصل اولوریز.

فقط افسوس، که آلمیوریز. افسوس، که صراط مستقیم حقه دوزلمیوریز. اگر آلمش اولایدق هیچ اوچیوز ملیون دین قارده شلریمز اورویا مدنیت کاذبه سنک زنجیر وحشته دوشرمیدی؟

حبل الهی به درتال ایله صاریلمش اولایدق بو کون دکل اوچیوز ملیون حتی اوج کشی بیله اونجه اسارت آلتناه ایکه مزدی، دین اسلامک حیات طیبیه حقیقیه سی حریتدر اسارت دکل. حاکیت در محکومیت دکل. سعادتدر فلاکت دکل. عزتدر ذلت دکل. فعالیتدر عطالت دکل. حیات طیبیه اسلام بتون شمول معناسیله علویتدر، شوکت و عظمتدر. اقبال و اجلالدر.

ایشته بو کونده جانواردن یرنجی، قابیلندن مفترس جلاددن وحشی بردشمنز آنسزین طرابلس نغمزه هجوم ایتدی. آنی قانلی قانلی دیشلری آراسنه آلدی یوتمق ایستیور. ایکی ملیون دین قارده شلریمزی زنجیر اسارتنه کچیرمکه چالیشیور ایشه بو، کریدک قلبمزه آجیدینی درین یارهک اوزرینه بویر اولدی. فقط اصل دفته آله حق مهم غایت مهم بر حقیقت وار، که اوده اتحاد امل مقدس و معززیدر. بو امر جلیل قرآن، بو فرمان قدسی اعتصامدر.

ایتالیانک طرابلس غربی استیلایه قالدیشیمی، اورویا هیئت دولیه سنک بوکا اشارت موافقتی مجرد اتحاد امیدینی قلبمزدن سیلمک، اوامل مقدس قرآنی بی روحزدن چکوب آلق، ثولدیروب طرابلس غریبه کومکدر.

بوکا قارشی لافید قالمق نه دیمکدر بیلور، یسکیز؟ فرمان جلیل اعتصامی قرآن حکیمدن سیلوب قالدیرمقدرد.

قرآن حکیمک بر حرفنه تعرض هپسنه تجاوزدر. چونکه حضرت قرآن (کل) در (کلی) دکل.

اک بسیط هقلارده بیلیر، که حق، قوتله قائمدر. قوتده حقه قائمدر. بزه الله اعداد قوتله، اتحاد اخرتله، حفظ دین، حفظ ناموس، حفظ وطنله امر و فرمان بیوریور. ایشه بو کون کریدیمزک، طرابلسمزک دوچار اولدینی فلاکتلر مجرد دوغماسزلق یوزندندر. بز دوغماسز اولدقجه وطنمزی محافظه ایدمه جکیز بویله بلادن بلایه فلاکتدن فلاکت یووارلایوب دوراجغز. بو امر عظیم اولیه آغیر بر یوکدر، که اولیه بر قاج یوز بر قاج بیک بر قاج یوز بیک کشی قالدیراماز.

قوة، (یوک) ک آغیرلغه قارشی اولور و الا (یوک) قالمماز اولدینی برده قالدیر.

شمعی حیت دینه بودونما یوکدنک آغیرلغه کوره اولمی، هرکس هر مؤمن کندی وارلغه، قدرته، و تبه کوره دین الهی به یاردیم ایتلیدر. بوباده غیر مسلم و طنداشلریمزده عینی بزم موقع حیتمزدده در. چونکه بو بابده کی احادیث شریفه منطوقیجه حق و قلی حق و قلی، ناموسلری ناموسمزددر، آنلرک قالدیرنی ذره قدر قیرمق، اینجتمک بزه

و ناموسی پامال ایدلدیکی وقت او قامه دولوسی آلتونلرک ، کوشلرک
انسان نظرندنه نه قیمتی قالیر؟ انک ایچین دره، که جناب قرآن بیوریور :
- و من یخجل فانما یخجل عن نفسه -

سوره جلیلہ محمد علیہ السلام

یعنی : کیم نجل وامساک ایدرسه نفسندن بخل ایتمش ، جانندن
قیصقائمش اولور . دشمن کلیر ، جانی ده آلبر ، مالی . پکی او حالده
آلتونلر نه یه یارادی ؟ ایشته دشمن سنی تولدیردی آنلری ده آلدی .
سن او آلتونلری دشمن ایچونمی قازاندک ؟

هیچ پاره دیندن ، وطندن ، عرض و ناموسدن زیاده سهویلمیری ؟
بناء علیه شو حقیقتلری سوکیلی وطن خاصمز اهالی محترمه سی کوز
توبنه آلهرق دین و وطن نامنه اراز فریضه حبت ده سائر اقسام
وطندن زیاده بر حرارت دینه ، بر مسابقه ملیه کوسترملرینی و بویابده
بوتون ولایاتی غیبهلر ایچنده بر اقوب الکعلوی بر نمونه امتثال اولملرینی
کورمک بزم ایچون هر درلو تصویر و تصورک فوقده بر سعادت ،
بر بختیارلقدیر . هایدی ای دیندارلرای وطنپرورلر! ایشته سینه کده
طاشیدیفک حبت دینه و غیرت اسلامی و وطنیه کی کوستره جک کون بو
کوندور . بو ؛ بواک بویوک ، بر فریضه قرآنی دره . والسلام لمن اتبع الهدی !

ممالك اجنبیه مسلمانلری

و

درنما اعازیسی

تابعیت دول افرنجیه ده بولنان مسلمانلرک عثمانلی دونماسنک احیاسنه
یاردم ایتملرینی مروج کچن هفته نیک (نیهر ایست) غرته سنده و دونکی
استانبول غرته لرندن برنده بر بیاننامه کوردم . بو بیاننامه بی اصدار
ایدنلر بریتانیای لیرک پایتخت شمالیسی اولان (ادیمبورغ) شهری
دار الفنوننه منسوب بعض مسلمانلردر بوذواتک غیرتلی تقدیره
سزادر . عثمانیلرک عالم اسلامه خطاباً اصدار اولنان بویله بر بیاننامه دن
استحصال ایده جک لری حصه امیده کلنجه : اوده طیبی نتیجه تشبیه
کوره تعین ایدر .

طرایاس غرب وقایع استیلائییه سنک ابتدای ظهورنده لوندرده
بولنان ممالك مختلفه یه منسوب مسلمانلر اوغرا دلایعمز بلای تجاوزدن
یک متأثر اولهرق استقلال اسلامک علامت یکانه سی کی موجود
اولان دولت عثمانیه نه صورتله یاردم ایدیه بیله جک کنی حرص جان
ایله پیش ملاحظه آلمشلردی . عمومی و خصوصی (میتینگ) لر عقد
اولندی ، خصوصی اجتماعلرک بر قایچی ده اوصره ده لوندرده ساکن
اولدیم آبار تمانده وقوعه کلدی . (بویقوت) ک مهم بر سلاح مدافعه
بولندی نظر دفته آلهرق طرایلسده حقوق عثمانیه رعایت وقوعه
کلنجه یه قدر ایتالیا یه عائد هر شیک بویقوت ایدلمسی عالم اسلامه توصیه
اولنق اوزره تحت قراره آلدی ؛ بویقوتک فائده سیاسی ایله
ملحوظ اولان مضرت اقتصادی ده تذکر ایدلدی .
معنویه ک بو باده حرز مادی یه فاشیتی عمومیتله تسلیم اولندی ؛ و هر

حرامدر . مادامکه جناب حق قرآن حکیمنده بنی آدمه تکریم
و تشریف بیوردیغی سوویلیور . مادامکه انسانلر جناب آدمک
اوغللریدر . او حالده هپسی بر اخوت مطلقه دائره سی ایچنده در .
بزم دینم دین اخلاق ، دین انسانیت ، دین مدنیت در .

جناب مهر جهان افروز رسالت علیه الصلوات والسلام افندیتز
حضر تلی بیوریورلر ، که :

انما بعث لانعم مکارم الاخلاق

یعنی : بن مکارم اخلاقی اتمام و اکمال ، اموریت قسیه سیله بعث
اولوندیم . و بنه بیوریورلر ، که « تخلقوا باخلاق الله » ! « اخلاق الهیه
ایله تخلق ایدیکیز ! » بو نه بویوک سوز ! نه علوی حکمت !
اسلامیت ، بر جوهر ، بر الماسدر . ذره قدر لکه قبول ایتمز .
اسلامیت ، کونشدر . کونش نور صاچار ، ظلامی قهر و محو ایدر .
کوتو خوی لکه در . کوتو خوی ظلمتدر . چونکه کوتو خوی
زاده جهالتدر . اسلامیت ایسه علم و عرفاندر . معرفتله جهالت ؛ نور
ایله ظلمت ، حیات ایله موت کی بر برینه ضدر . بر آدمده اسلامیتله
جهالت بریره کلز ، کله مز . انسانک اسلامی عظم و عرفانی نسبتده
اولور . بوده مکارم اخلاق ایله اکلاشیلیر . چونکه علم و عرفانک
غایه سی ، غایه کمالی تربیه نفس در ، ادبدر . کورولمزی : « ادبی ربی
فاحسن تأدی . ربم بنی مکتب خاص ابدنده غایت کوزل تربیه ایتدی »
بیوریورلور .

غیر مسلملرک دعوتلرینه اجابتک ، متقابلاً انلره ضیافتک جوازینه
فقه مزده فتوالر وار . علویت اسلامی ایشته بویله کوستریلیر . یوقسه
سوومک ، صایمق ، تحقیر ایتمک ، هیچ بوقدن دشمن قازانق اسلامیتک
علویاتی جریحه دار ایده جک ، آنی منکرلری نظرندنه تعصبندن ، جهالتندن ،
وحشتندن عبارت کوستر مکدر ، که بو ، جناب قرآنه قارشو بویوک بر
جانیستدر .

بزم اسلامیتک بویوک لکنی مکارم اخلاق ایله کوسترملی بزم تا که
اسلامیتی انکار ایدنلر او کرزل خویلی بزد کوروبده وجدانلری
توشنده اسلامک بویوک لکنی اعترافه مجبور اولسونلر !
ایشته قرآنمز بزم بویله امر بیورومقده .

ای دین قارده شلر! شورایه قدر دیکله دیککیز سوزلری کوزلجه دوشونکر
ایوجه محاکمه ایدیکیز ! دونما مازک ضعفی یوزندن جکدیکیز اضطرابی
تصور ایدیکیز .

بزم دونمایه ویردیکیز ، ویره جکمز باره لر دینمزه قرآنمزه یاردیمدن
باشقا نه ایچین در . جناب حق « اکر سز الله نصرت ایدرسه کیز
اللهه سزه نصرت ایدر » سوره جلیلہ محمد علیہ السلام « بیوریور .
الله جل شانہ یاردمه احتیاجدن منز و متمالیدر . شو حالده یاردیم بزم
دینمزه ، قرآنمزه ، ناموسمزه ، جانمزه ، مالمزه در . التون کوشک
قیمتی انجق حفظ دین ، حفظ ناموس ، حفظ وطن خصص و صنده کی
لوازم و احتیاجاتی تأمین بروساطه ، بر آلت اولمسنده در . یوقسه هیچ
بر قیمتی ، ذره قدر براهینی یوقدر دوشونلم ! انسانک دینی ، عرض